

PWYLLGOR GWASANAETHAU DEMOCRATAIDD

Cofnodion cyfarfod o'r Pwyllgor Gwasanaethau Democrataidd a gynhaliwyd yn Ystafell Bwyllgora 1a, Neuadd Y Sir, Rhuthun, Dydd Gwener, 7 Chwefror 2014 am 10.00 am.

YN BRESENNOL

Y Cyngorwyr William Cowie, Gwyneth Kensler, Barry Mellor (Cadeirydd), Peter Owen, Arwel Roberts a/ac Gareth Sandilands.
Observer: Y Cyngorydd M.LI. Davies.

HEFYD YN BRESENNOL

Pennaeth Gwasanaethau Cyfreithiol a Democrataidd (RGW), Gwasanaethau Democratig (SP) a/ac Gweinyddwr Pwyllgor (CIW).

1 YMDDIHEURIADAU

Ni fu i unrhyw Aelod ddatgan cysylltiad personol na niweidiol mewn unrhyw fusnes i'w ystyried yn y cyfarfod.

2 DATGAN CYSYLLTIAD

Ni ddatganodd yr Aelodau unrhyw gysylltiad personol neu sy'n rhagfarnu mewn unrhyw fusnes a nodwyd i'w ystyried yn y cyfarfod hwn.

3 MATERION BRYG GYDA CHYTUNDEB Y CADEIRYDD

Ni chodwyd unrhyw eitemau y dylid, ym marn y Cadeirydd, eu hystyried yn y cyfarfod fel materion brys yn unol ag Adran 100B(4) o Ddeddf Llywodraeth Leol 1972.

4 COFNODION Y CYFARFOD DIWETHAF

Cyflwynwyd cofnodion cyfarfod y Pwyllgor Gwasanaethau Democrataidd a gynhaliwyd ar 14^{eg} Tachwedd, 2013.

Materion yn codi:-

Cyfeiriodd y Rheolwr Gwasanaethau Democrataidd at Eitemau Busnes yn y Rhaglen Waith i'r Dyfodol ac eglurodd na chafwyd unrhyw awgrym o ran pryd y byddai'r Gorchymyn Personau Dynodedig yn cael ei wneud.

Hysbyswyd y Pwyllgor, o ganlyniad i adborth gan aelodau, y byddai templedi diwygiedig yn cael eu cylchredeg a fyddai'n ymgorffori canllawiau mwy eglur ynghyd â manylion ynghylch y math o wybodaeth i'w chynnwys yn yr adroddiad. Rhoddwyd cadarnhad nad oedd rhaid i Aelodau ddarparu Adroddiad Blynyddol.

7. Gweddarlledu Cyfarfodydd y Cyngor - Mewn ymateb i gwestiwn gan y Cyngorydd W.L. Cowie, darparodd y Rheolwr Gwasanaethau Democrataidd fanylion am y trefniadau ariannu. Eglurodd nad oedd gweddarlledu cyfarfodydd y Cyngor yn ofyn cyfreithiol ac y byddai rhaid i'r Cyngor wneud penderfyniad o ran p'un ai i wneud cytundeb pellach yn dilyn y cyfnod cychwynnol o ddwy flynedd.

9. Fersiwn Ddrafft Adroddiad Blynyddol Panel Annibynnol Cymru ar Gydnabyddiaeth Ariannol – Hysbysodd y Rheolwr Gwasanaethau Democrataidd y Pwyllgor nad oedd y Fersiwn Ddrafft o Adroddiad Blynyddol Panel Annibynnol Cymru ar Gydnabyddiaeth Ariannol wedi'i chyhoeddi eto.

Mewn ymateb i gwestiwn gan y Cyngorydd A. Roberts, cadarnhaodd y Rheolwr Gwasanaethau Democrataidd, o ran sylwadau a wnaed “y dylai Is-gadeiryddion Pwyllgorau Archwilio dderbyn taliad ychwanegol am dderbyn swydd Is-gadeirydd”, eu bod wedi'u cyflwyno i'r Panel Annibynnol ar Gydnabyddiaeth Ariannol a'u bod yn disgwyl ymateb.

Cadarnhaodd y Rheolwr Gwasanaethau Democrataidd y byddai nodi Cadeiryddion ac Is-gadeiryddion y gwahanol bwyllgorau yn cael ei gynnwys ar yr agendau yn y dyfodol.

PENDERFYNWYD – yn amodol ar yr uchod, y dylid derbyn a chymeradwyo cofnodion y Pwyllgor Gwasanaethau Democrataidd a gynhaliwyd ar 14^{eg} Tachwedd, 2013 fel cofnod cywir.

5 GWEDDARLLEDU CYFARFODYDD Y CYNGOR

Roedd copi o adroddiad gan y Rheolwr Gwasanaethau Democrataidd (RhGD) oedd yn rhoi'r datganiad sefyllfa diweddaraf ar y cynnydd tuag at weddarlledu rhai cyfarfodydd yn 2014 wedi'i gylchredeg gyda'r papurau ar gyfer y cyfarfod.

Adroddodd y RhGD fod y gwaith o osod yr offer gweddarlledu a'r feddalwedd wedi dechrau ym mis Rhagfyr a'i fod wedi'i gwblhau ddoe gyda'r disgwyl y byddai'r gwaith terfynol o sicrhau cysylltiad band eang ar gyfer y ddwy linell ADSL yn cael ei wneud ddydd Sadwrn. Hysbysodd y RhGD y Pwyllgor y byddai manylion ysgrifenedig am brotocol, fyddai'n darparu canllawiau mewn perthynas â gweddarlledu, yn cael eu cylchredeg i bob Aelod. Eglurodd hefyd y rhoddwyd ystyriaeth i roi cyflwyniad byr i'r Aelodau yng nghyfarfod briffio'r Cyngor ar 19^{eg} Chwefror 2014 a rhoddodd yr Aelodau eu caniatâd i wneud hynny.

Roedd y Cyngor yn bwriadu gweddarlledu tua 60 awr y flwyddyn o gyfarfodydd y Cyngor a'r Pwyllgor Cynllunio, fyddai'n cael eu gweddarlledu o Siambr y Cyngor yn Neuadd y Sir. Mewn ymateb i gwestiynau gan Aelodau ynghylch gweddarlledu cyfarfodydd ychwanegol fel y Cabinet a Phwyllgorau Archwilio, eglurodd y RhGD fod y gwasanaethau gweddarlledu wedi'u caffael yn defnyddio grant £40,000 LIC am gyfnod o ddwy flynedd, ac y byddai unrhyw benderfyniad i ymestyn neu adnewyddu'r cytundeb yn cael ei wneud gan yr Aelodau. Rhoddwyd gwybod i'r Aelodau fod Llywodraeth Cymru yn ddiweddar iawn wedi hysbysu awdurdodau lleol

y gellid cario'r arian grant drosodd i 2014 / 2015, fyddai'n caniatáu digon o amser i'r Cyngor roi'r trefniadau ar gyfer gweddarlleu ar waith. Byddai cyflwyno a gweithredu'r trefniadau yn golygu bod angen neilltuo amser gan swyddog ychwanegol i fynd i gyfarfodydd sy'n cael eu gweddarlleu. Nid oedd sicrwydd eto beth fyddai effaith hyn, ond disgwyliad y byddai'r trefniadau gweddarlleu yn cael eu cyflenwi o fewn adnoddau presennol. Gallai fod rhai goblygiadau o ran adnoddau i'r gwasanaethau TGCh, er y byddai disgwyl i'r cyflenwr allanol ddarparu cefnogaeth fel rhan o'r cytundeb.

Gyda chymorth cyflwyniad PowerPoint, darparodd y Pennaeth Gwasanaethau Cyfreithiol a Democrataidd (PGCD) fanylion am y system gweddarlleu ac amlinellodd yr hyn y gallai'r system ei wneud.

Darparwyd yr ymatebion a ganlyn i gwestiynau a materion a godwyd gan yr Aelodau:-

- Ar hyn o bryd nid oedd unrhyw gyllid ar gael i newid lleoliad botymau coch y meicroffonau ar y desgiau yn Siambr y Cyngor. Fodd bynnag, gellid ystyried hyn yn y dyfodol pe byddai digon o gyllid ar gael i ail-gynllunio'r Siambr.
- Cadarnhaodd y RhGD y byddai cofnodion ysgrifenedig yn cael eu llunio ar gyfer cyfarfodydd oedd wedi'u gweddarlleu.
- Hysbysodd y PGCD yr Aelodau fod y darparwyr gwasanaeth wedi cynhyrchu ystadegau oedd yn dangos lefel uwch o ymgysylltu ymhlith y cyhoedd yn sgil gweddarlleu cyfarfodydd Cyngor.
- Darparwyd manylion am swyddogaethau gweddarlleu, o ran cyfryngau cymdeithasol a chyfathrebu, y gellid eu defnyddio gan y Cyngor i wella ymgysylltiad â'r cyhoedd a defnyddwyr gwasanaeth.
- Mewn ymateb i gwestiwn gan Aelodau, cytunodd y PGCD i ymgynghori â'r darparwr gwasanaeth ynghylch materion mewn perthynas â hawlfraint.
- Awgrymodd y Cadeirydd y gellid defnyddio gweddarlleu at ddibenion addysgol o ran hyrwyddo gwaith y Cyngor Sir ac ennyn diddordeb y genhedlaeth iau.

Yn dilyn trafodaeth bellach:-

PENDERFYNWYD – *bod y Pwyllgor Gwasanaethau Democrataidd yn cefnogi'r trefniadau a'r cynnydd mewn perthynas â gweddarlleu cyfarfodydd yn 2014.*

6 AMSERLEN Y PWYLLGOR 2014/15, ADOLYGIAD BLYNYDDOL O GYDBWYSEDD GWLEIDYDDOL, A PHENODI CADEIRYDDION ARCHWILIO

Roedd copi o adroddiad gan y Rheolwr Gwasanaethau Democrataidd (RhGD) oedd yn rhoi gwybodaeth ac yn gofyn am benderfyniadau ar faterion yn ymwneud â'r Pwyllgor wedi'i gylchredeg gyda'r papurau ar gyfer y cyfarfod.

Cyflwynwyd yr amserlen ddrafft ar gyfer cyfarfodydd 2014/15, Atodiad 1, i'r Pwyllgor Gwasanaethau Democrataidd ei hystyried a byddid yn gofyn i'r Cyngor llawn ystyried a chymeradwyo'r amserlen. Rhoddwyd gwybod i'r Aelodau fod yr amserlen ddrafft wedi'i datblygu trwy ymgynghori ag amryw swyddogion oedd yn ymwneud

â'r amryw bwyllgorau. Cyfeiriodd y RhGD at yr eglurhad fesul pwyllgor yn yr atodiad ynghylch y ffactorau oedd wedi effeithio'r dyddiadau a'r cylchoedd oedd yn llunio'r amserlen.

Adroddodd y RhGD fod rhai Aelodau, yn 2013, wedi awgrymu y dylid ymestyn yr amserlen i gwmpasu cyfnod hirach, a gofynnodd am farnau'r Pwyllgor ar y mater hwn.

Eglurodd y RhGD ei bod yn ofynnol i'r Cyngor ystyried, o leiaf bob blwyddyn, sut mae aelodaeth ei bwyllgorau'n gysylltiedig â chydbwysedd gwleidyddol y grwpiau. Roedd newidiadau i aelodaeth pwyllgorau a chryfder y grwpiau gwleidyddol yn golygu nad oedd pob pwyllgor yn wleidyddol gytbwys, fel y dangosir yn Atodiad 2. Rhoddwyd gwybod i'r Aelodau y byddai'r newidiadau i swyddi dinesig cadeirydd ac is-gadeirydd y Cyngor ym mis Mai yn effeithio aelodaeth a chydbwysedd gwleidyddol rhai pwyllgorau.

Roedd manylion mewn perthynas â phenodi cadeiryddion y pwyllgorau wedi'u hymgorffori yn yr adroddiad.

Yn ystod y drafodaeth ddilynol, awgrymodd y Cynghorydd M.LI. Davies y dylid ymestyn yr amserlen i gwmpasu cyfnod o ddwy flynedd. Cynigiodd y Cynghorydd W.L. Cowie ddiwygiad i'r argymhelliad yn yr adroddiad, a eiliwyd gan y Cynghorydd P.W. Owen, oherwydd pwysigrwydd y mater o amserlennu cyfarfodydd, y dylid cael barn y Cyngor Sir ynglŷn â'r mater hwn. Ar ôl pleidleisio, derbyniwyd y diwygiad.

Yn dilyn trafodaeth bellach:-

PENDERFYNWYD - bod y Pwyllgor Gwasanaethau Democrataidd:-

(a) yn derbyn ac yn nodi cynnwys amserlen ddrafft y pwyllgor, a (b) yn cytuno y byddid yn ceisio barn y Cyngor Sir mewn perthynas ag ymestyn yr amserlen dros ddwy flynedd neu ragor.

7 RHAGLEN WAITH I'R DYFODOL

Cyflwynodd y RhGD yr adroddiad ac eglurodd fod yr eitemau Busnes a ganlyn yn aros ar Raglen Waith y Pwyllgor i'r Dyfodol:-

(i) Gorchymyn Personau Dynodedig - i'w ystyried ar ôl derbyn rhagor o wybodaeth ac arweiniad gan Lywodraeth Cymru.

(ii) Adroddiad Terfynol Panel Annibynnol Cymru ar Gydnabyddiaeth Ariannol - i'w gynnwys yn y Rhaglen Waith i'r Dyfodol.

PENDERFYNWYD – i nodi'r sefyllfa.

Daeth y cyfarfod i ben am 11.05 a.m.

.....